

**FRAMKVÆMDARREGLUGERÐ FRAMKVÆMDASTJÓRNARINNAR
(ESB) 2021/1325****2021/EES/71/14****frá 10. ágúst 2021****um breytingu á framkvæmdarreglugerð (ESB) 2020/977 að því er varðar gildistíma tímabundinna ráðstafana í tengslum við eftirlit með framleiðslu lífrænt ræktaðra vara (*)**

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð ráðsins (EB) nr. 834/2007 frá 28. júní 2007 um lífræna framleiðslu og merkingu lífrænna vara og til niðurfellingar á reglugerð (EBE) nr. 2092/91 ⁽¹⁾, einkum 28. gr. (6. mgr.), 30. gr. (þriðja undirgrein 2. mgr.) og 38. gr. (c-, d- og e-liður),*og að teknu tilliti til eftirfarandi:*

- 1) COVID-19 heimsfaraldurinn og þær víðtæku flutningstakmarkanir sem komið var á í aðildarríkjum og í þriðju löndum í formi landsráðstafana eru óvenjuleg og fordæmalaus áskorun fyrir aðildarríki og rekstraraðila í tengslum við framkvæmd eftirlits eins og tilgreint er í reglugerð (EB) nr. 834/2007 og reglugerðum framkvæmdastjórnarinnar (EB) nr. 889/2008 ⁽²⁾ og (EB) nr. 1235/2008 ⁽³⁾.
- 2) Til að takast á við hinar sérstöku aðstæður vegna yfirstandandi hættuástands í tengslum við COVID-19-heimsfaraldurinn gerir framkvæmdarreglugerð framkvæmdastjórnarinnar (ESB) 2020/977 ⁽⁴⁾ aðildarríkjum kleift að beita tímabundnum ráðstöfunum þar sem vikið er frá reglugerðum (EB) nr. 889/2008 og (EB) nr. 1235/2008 í tengslum við eftirlitskerfi með framleiðslu á lífrænt ræktaðum vörum og tilteknar málsmeðferðarreglur sem kveðið er á um í Traces-kerfinu.
- 3) Að því er varðar opinbert eftirlit og aðra opinbera starfsemi innan gildissviðs reglugerðar Evrópuþingsins og ráðsins (ESB) 2017/625 ⁽⁵⁾ gerir framkvæmdarreglugerð framkvæmdastjórnarinnar (ESB) 2020/466 ⁽⁶⁾ aðildarríkjum þar að auki kleift að beita tímabundnum ráðstöfunum til að komast hjá alvarlegum áhættum fyrir heilbrigði starfsfólks lögbærra yfirvalda með hliðsjón af erfiðleikum við að inna af hendi þetta eftirlit og þessa starfsemi og eftir því sem þurfa þykir til að stjórna tengdri alvarlegri röskun á eftirlitskerfum aðildarríkjanna. Gildistími þeirrar reglugerðar var

(*) Þessi ESB-gerð birtist í Stjttíð. ESB L 288, 11.8.2021, bls. 21. Hennar var getið í ákvörðun sameiginlegu EES-nefndarinnar nr. 236/2021 frá 24. September 2021 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn (bíður birtingar).

(1) Stjttíð. ESB L 189, 20.7.2007, bls. 1.

(2) Reglugerð framkvæmdastjórnarinnar (EB) nr. 889/2008 frá 5. september 2008 um ítarlegar reglur um framkvæmd reglugerðar ráðsins (EB) nr. 834/2007 um lífræna framleiðslu og merkingu lífrænna vara að því er varðar lífræna framleiðslu, merkingar og eftirlit (Stjttíð. ESB L 250, 18.9.2008, bls. 1).

(3) Reglugerð framkvæmdastjórnarinnar (EB) nr. 1235/2008 frá 8. desember 2008 um ítarlegar reglur um framkvæmd reglugerðar ráðsins (EB) nr. 834/2007 að því er varðar fyrirkomulag á innflutningi lífrænna afurða frá þriðju löndum (Stjttíð. ESB L 334, 12.12.2008, bls. 25).

(4) Framkvæmdarreglugerð framkvæmdastjórnarinnar (ESB) 2020/977 frá 7. júlí 2020 um undanþágu frá reglugerðum (EB) nr. 889/2008 og (EB) nr. 1235/2008 að því er varðar eftirlit með framleiðslu lífrænt ræktaðra vara vegna COVID-19 heimsfaraldursins (Stjttíð. ESB L 217, 8.7.2020, bls. 1).

(5) Reglugerð Evrópuþingsins og ráðsins (ESB) 2017/625 frá 15. mars 2017 um opinbert eftirlit og aðra opinbera starfsemi sem miðar að því að tryggja að lögum um matvæli og fóður og reglum um heilbrigði og velferð dýra, plöntuheilbrigði og plöntuverndarvörur sé beitt og um breytingu á reglugerðum Evrópuþingsins og ráðsins (EB) nr. 999/2001, (EB) nr. 396/2005, (EB) nr. 1069/2009, (EB) nr. 1107/2009, (ESB) nr. 1151/2012, (ESB) nr. 652/2014, (ESB) 2016/429 og (ESB) 2016/2031, reglugerðum ráðsins (EB) nr. 1/2005 og (EB) nr. 1099/2009 og tilskipunum ráðsins 98/58/EB, 1999/74/EB, 2007/43/EB, 2008/119/EB og 2008/120/EB og um niðurfellingu á reglugerðum Evrópuþingsins og ráðsins (EB) nr. 854/2004 og (EB) nr. 882/2004, tilskipunum ráðsins 89/608/EBE, 89/662/EBE, 90/425/EBE, 91/496/EBE, 96/23/EB, 96/93/EB og 97/78/EB og ákvörðun ráðsins 92/438/EBE (reglugerð um opinbert eftirlit) (Stjttíð. ESB L 95, 7.4.2017, bls. 1).

(6) Framkvæmdarreglugerð framkvæmdastjórnarinnar (ESB) 2020/466 frá 30. mars 2020 um tímabundnar ráðstafanir til að halda í skefjum áhættum fyrir heilbrigði manna og dýra og plöntuheilbrigði og velferð dýra við tiltekna alvarlega röskun á eftirlitskerfum aðildarríkjanna vegna kórónaveirufaraldursins (COVID-19) (Stjttíð. ESB L 98, 31.3.2020, bls. 30).

framlengdur til 1. júlí 2021 með framkvæmdarreglugerð framkvæmdastjórnarinnar (ESB) 2021/83 (7). Gildistími framkvæmdarreglugerðar (ESB) 2020/977 var því framlengdur til 1. júlí 2021. með framkvæmdarreglugerð framkvæmdastjórnarinnar (ESB) 2021/772 (8)

- 4) Aðildarríkin hafa upplýst framkvæmdastjórnina um að í ljósi hættuástandsins í tengslum við COVID-19-heimsfaraldurinn haldi alvarleg röskun á starfsemi eftirlitskerfa þeirra í lífræna geiranum áfram fram yfir 1. júlí 2021.
- 5) Vegna langæis hættuástandsins og tengdra raskana var gildistími framkvæmdarreglugerðar (ESB) 2020/466 framlengdur til 1. september 2021 með framkvæmdarreglugerð framkvæmdastjórnarinnar (ESB) 2021/984 (9).
- 6) Eftirlitskerfið í lífræna geiranum er þó starfrækt á grundvelli almanaksárs, einkum að því er varðar skoðanir og sýnatökur. Því er nauðsynlegt að beita framkvæmdarreglugerð (ESB) 2020/977 fram yfir 1. september 2021 og framlengja gildistíma hennar til loka ársins 2021 til að tryggja rétta framkvæmd eftirlitsins.
- 7) Því ætti að breyta framkvæmdarreglugerð (ESB) 2020/977 til samræmis við það.
- 8) Nauðsynlegt er að beiting ákvæðanna í framkvæmdarreglugerð (ESB) 2020/977, sem er framlengd með þessari reglugerð, raskist ekki. Því er viðeigandi að kveða á um afturvirka beitingu þessarar reglugerðar frá 1. júlí 2021.
- 9) Ráðstafanirnar, sem kveðið er á um í þessari reglugerð, eru í samræmi við álit nefndarinnar um lífræna framleiðslu.

SAMÞYKKT REGLUGERÐ ÞESSA:

1. gr.

Framkvæmdarreglugerð (ESB) 2020/977 er breytt sem hér segir:

- 1) Í stað dagsetningarinnar „1. júlí 2021“ í 7. mgr. 1. gr. kemur „31. desember 2021“.
- 2) Í stað dagsetningarinnar „1. júlí 2021“ í annarri, þriðju, fjórðu og fimmtu málsgrein 3. gr. kemur „31. desember 2021“.

2. gr.

Reglugerð þessi öðlast gildi daginn eftir að hún birtist í *Stjórnartíðindum Evrópusambandsins*.

Hún kemur til framkvæmda frá og með 1. júlí 2021.

(7) Framkvæmdarreglugerð framkvæmdastjórnarinnar (ESB) 2021/83 frá 27. janúar 2021 um breytingu á framkvæmdarreglugerð (ESB) 2020/466 að því er varðar framkvæmd einstaklinga, sem hafa til þess sérstaka heimild, á opinberu eftirliti og annarri opinberri starfsemi og gildistíma tímabundinna ráðstafana (Stjtíð. ESB L 29, 28.1.2021, bls. 23).

(8) Framkvæmdarreglugerð framkvæmdastjórnarinnar (ESB) 2021/772 frá 10. maí 2021 um breytingu á framkvæmdarreglugerð (ESB) 2020/977 að því er varðar tímabundnar ráðstafanir í tengslum við eftirlit með framleiðslu lífrænt ræktaðra vara, einkum gildistímann (Stjtíð. ESB L 165, 11.5.2021, bls. 28).

(9) Framkvæmdarreglugerð framkvæmdastjórnarinnar (ESB) 2021/984 frá 17. júní 2021 um breytingu á framkvæmdarreglugerð (ESB) 2020/466 að því er varðar gildistíma tímabundinna ráðstafana (Stjtíð. ESB L 216, 18.6.2021, bls. 202).

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 10. ágúst 2021.

Fyrir hönd framkvæmdastjórnarinnar,

Ursula VON DER LEYEN

forseti.
